



Broj: 16-12-16-2843-17 /21
I. Sarajevo, 05.07.2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 70. Zakona o javnim nabavkama ("Službeni glasnik BiH", broj 39/14), na preporuku Komisije za provođenje postupka nabavke za potrebe Državne agencije za istrage i zaštitu u 2021. godini broj 16-12-16-2843/21 od 22.06.2021. godine, u postupku javne nabavke kompjuterskog materijala-tonera i kertridža za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke kompjuterskog materijala-tonera i kertridža za potrebe Državne agencije za istrage i zaštitu

Član 1.

U postupku javne nabavke kompjuterskog materijala-tonera i kertridža za potrebe Državne agencije za istrage i zaštitu, putem konkurentskog zahtjeva za dostavljanje ponuda, a na preporuku Komisije za provođenje postupka nabavke kompjuterskog materijala-tonera i kertridža broj 16-12-16-2843/21 od 22.06.2021. godine, ugovor u postupku javne nabavke kompjuterskog materijala-tonera i kertridža na period od dvije godine, dodjeljuje se ponuđaču "AERO EXCLUSIVE" d.o.o. Sarajevo, ponuda broj 16-12-16-2843-13/21 od 21.04.2021. godine, za ponuđenu cijenu od 24.100,00 KM bez uračunatog PDV-a.

Član 2.

- (1) Ponuđač "AERO EXCLUSIVE" d.o.o. Sarajevo, obavezan je ugovornom organu dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva.
- (2) Dokaze iz stava (1) ovog člana (orginal ili ovjerena fotokopija), ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija), broj 16-12-16-2843-1/21 od 31.03.2021. godine pokrenut je postupak javne nabavke kompjuterskog materijala-tonera i kertridža za period od dvije godine, u procijenjenoj vrijednosti 40.000,00 KM bez uračunatog PDV-a. Novčana sredstva za realizaciju navedene nabavke osigurana su u okviru budžetskih sredstava za 2021. godinu, a na osnovu Odluke o privremenom finansiranju Institucija Bosne i Hercegovine i međunarodnih obaveza Bosne i Hercegovine za period januar-mart 2021. godine („Službeni glasnik BiH“, broj 1/21) i Dokumenta okvirnog budžeta 2021.-2023. godina.

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Obzirom da je tačkom 6. Konkurentskog zahtjeva navedeno da je rok za dostavljanje ponuda 21.04.2021. godine do 13.00 sati, te da se ponude dostavljaju u zatvorenoj koverti, Komisija je dana 21.04.2021. godine u 14:00 sati izvršila javno otvaranje ponuda prema datumu i vremenu prijema, numerišući kovertu, te je konstatovala da je u ostavljenom roku pristiglo šest ponuda na Pisarnicu Agencije.

Na javnom otvaranju ponuda nije bilo prisutnih predstavnika ponuđača.

Blagovremeno je dostavljeno šest (6) ponuda, i to:

R.br.	Broj protokola	Naziv ponuđača	Datum i sat prijema ponuda
1.	16-12-16-2843-8/21	"ELKOM" d.o.o. Vitez	19.04.2021. g. u 11:20 h
2.	16-12-16-2843-9/21	"EKOPRINT" d.o.o. Banja Luka	20.04.2021. g. u 10:06 h
3.	16-12-16-2843-10/21	"DEFTER" d.o.o. Sarajevo	21.04. 2021. g. u 09:00 h
4.	16-12-16-2843-11/21	"ALF-OM" d.o.o. Banja Luka PJ Istočno Sarajevo	21.04.2021. g. u 09:40 h
5.	16-12-16-2843-12/21	"PRINTEX" d.o.o. Sarajevo	21.04.2021. g. u 10:59 h
6.	16-12-16-2843-13/21	"AERO EXCLUSIVE" d.o.o. Sarajevo	21.04.2021. g. u 12:10 h

R.b r.	Naziv ponuđača	Ponuđena cijena u KM (bez PDV-a)
1.	"ELKOM" d.o.o. Vitez	39.877,10
2.	"EKOPRINT" d.o.o. Banja Luka	39.784,97
3.	"DEFTER" d.o.o. Sarajevo	38.596,06
4.	"ALF-OM" d.o.o. Banja Luka PJ Istočno Sarajevo	39.754,60
5.	"PRINTEX" d.o.o. Sarajevo	39.942,50
6.	"AERO EXCLUSIVE" d.o.o. Sarajevo	28.235,32

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: ZJN), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

U cilju ocjene tehničkih uslova navedenih u Konkurentskom zahtjevu, Komisija se aktom broj 16-12-16-2843-15/21 od 19.05.2021. godine obratila ponuđaču "AERO EXCLUSIVE" d.o.o. Sarajevo sa Zahtjevom za objašnjenje neprirodno niske cijene ponude u skladu sa članom 66. ZJN i članom 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15). U konkretnom slučaju, Komisija za nabavke za potrebe Agencije je utvrdila da je ponuda ponuđača "AERO EXCLUSIVE" d.o.o. Sarajevo, čija ponuđena cijena iznosi 28.235,32 KM bez uračunatog PDV-a za više od 20% niža od cijene ponude ponuđača "DEFTER" d.o.o. Sarajevo, čija ponuđena cijena iznosi 38.596,06 KM bez uračunatog PDV-a, te prilikom analize jediničnih cijena utvrđeno je da su najznačajnija odstupanja na pozicijama od rednog broja 3. do 5. Tehničke specifikacije. Komisija je zaprimila traženo objašnjenje broj 821/21 od 21.05.2021. godine, zavedeno pod evidencijskim brojem Agencije 16-12-16-2843-16/21 od 24.05.2021. godine, sa obrazloženjem da firma "AERO EXCLUSIVE" d.o.o. Sarajevo stoji iza ponuđene cijene u iznosu od 28.235,32 KM bez uračunatog PDV-a. Takođe, Komisija ističe da je imenovani ponuđač dostavio tabelarni prikaz obrazloženja naprijed traženih jediničnih cijena.

Tačkom 3.1.4. Konkurentskog zahtjeva predviđeno je dostavljanje uzoraka u postupku javne nabavke kompjuterskog materijala-tonera i kertridža koji su u tehničkoj specifikaciji specificirani količinom od 30 i više. S tim u vezi, Komisija se aktom broj 16-12-16-2843/21 od 07.06.2021. godine obratila stručnim licima Agencije, i to Sektoru za operativnu podršku (u daljem tekstu: SOP), tražeći uvid u dostavljene uzorke, te dostave stručno mišljenje po pitanju ispunjavanja postavljenih tehničkih karakteristika iz Konkurentskog zahtjeva i tehničkih karakteristika ponuđene opreme navedenih ponuđača. Komisija je zaprimila traženo mišljenje stručnih lica SOP-a broj 16-10-16-2843/21 od 14.06.2021. godine, sa obrazloženjem da su svi dostavljeni uzorci, naprijed imenovanih ponuđača, u skladu sa traženim uslovima postavljenim u Tehničkim specifikacijama koje čine sastavni dio Konkurentskog zahtjeva.

Uvidom u sadržaj dostavljenih ponuda, a cijeneći mišljenje stručnih lica Agencije, Komisija je utvrdila da ponuđači "ELKOM" d.o.o. Vitez, EKOPRINT" d.o.o. Banja Luka, "DEFTER" d.o.o. Sarajevo, "ALF-OM" d.o.o. Banja Luka PJ Istočno Sarajevo, "PRINTEX" d.o.o. Sarajevo i "AERO EXCLUSIVE" d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Takođe, Komisija je utvrdila da navedeni ponuđači ispunjavaju formalno-pravne uslove iz Konkurentskog zahtjeva, te da ne uživaju preferencijalni tretman domaćeg.

Obzirom da je za postupak javne nabavke kompjuterskog materijala-tonera i kertridža za potrebe Agencije, tačkom 9. Konkurentskog zahtjeva predviđeno je provođenje e-aukcije, Komisija je 17.06.2021. godine sačinila Zapisnik o ocjeni prihvatljivosti ponuda za predmetni postupak javne nabavke, te zakazala e-aukciju za 22.06.2021. godine, u 10:00 sati u trajanju od 10 minuta.

Komisija je dostavila Izvještaj o radu broj 16-12-16-2843/21 od 22.06.2021. godine sa preporukom o izboru najpovoljnijeg ponuđača a prema Izvještaju o toku i završetku e-aukcije od 22.06.2021. godine, te sačinila konačnu rang listu ponuđača koji su učestvovali u postupku e-aukcije za predmetni postupak javne nabavke, kako slijedi:

Redni broj	Naziv ponuđača	Vrijednost ponude (bez PDV-a)	Rang
1.	"AERO EXCLUSIVE" d.o.o. Sarajevo	24.100,00 KM	1
2.	"EKOPRINT" d.o.o. Banja Luka	24.450,00 KM	2
3.	"ALF-OM" d.o.o. Banja Luka PJ Istočno Sarajevo	25.600,00 KM	3
4.	"PRINTEX" d.o.o. Sarajevo	27.970,00 KM	4
5.	"DEFTER" d.o.o. Sarajevo	38.596,06 KM	5
6.	"ELKOM" d.o.o. Vitez	39.877,10 KM	6

Cijeneći naprijed navedeno, prihvaćena je preporuka Komisije i odlučeno da se ugovor u postupku javne nabavke kompjuterskog materijala-tonera i kertridža za potrebe Agencije dodjeli ponuđaču "AERO EXCLUSIVE" d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste.

Žalba se podnosi putem Državne agencije za istrage i zaštitu. Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima (x6);
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Culum

